

一切如來正法秘密篋印心陀羅尼經

宋西天北印度烏填曩國三藏傳法大師賜紫施護奉譯

如是我聞一時佛在摩訶陀國無垢園中寶光明池側與大菩薩及諸聲聞天龍夜叉捷闍婆阿蘇囉蓐嚕茶緊那羅麼護囉誡人非人等并諸王衆長者居士百千圍遶恭敬聽法爾時衆中有大富婆羅門名無垢妙光即於會中能解微妙曉達師法聰明辯才愛樂多聞修崇十善信重三寶歡喜踊躍而作是念一切有情修善爲因財富無量資具衆多我當修習爾時大婆羅門無垢妙光起立合掌遶佛七匝以種種華塗香栴香等供養世尊及諸衣服真珠瓔珞價直百千持以施佛頭面禮足而白佛言世尊願起大悲願受我食如是三請爾時世尊默然受請於是無垢

妙光大婆羅門見其世尊默然受請而速歸還經於一宿備辦種種衆多美饌六味具足飲食辦已嚴飾舍宅樓閣浴池繒綵甚衆華香栴香種種諸香及塗身香等諸供養具無不周備即時婆羅門等執持華幡奏諸妓樂與其眷屬往詣無垢園中寶光明池側迎請世尊到已白佛言世尊食時已至飯食悉辦唯願世尊與諸大衆往至我舍受我供養爾時世尊觀察衆會安慰無垢妙光大婆羅門曰善哉善哉如汝所願又告諸衆并餘天等悉皆往彼於是世尊從座而起與諸大衆菩薩聲聞天龍八部人非人等及諸王衆臣民眷屬無量百千恭敬圍遶皆來集會當行往彼無垢妙光大婆羅門家爾時世尊身縱金色放種種光無量諸相變作種種光明之網

徧照十方一切佛刹又復照曜彼佛刹中諸
佛如來道場衆會變作種種供養之具照曜
彼已還復來入釋迦牟尼身毛孔中即時無
垢妙光大婆羅門與其眷屬一心恭敬欲供
養佛掃除道路嚴飾清淨爾時世尊與諸大
衆天龍夜叉捷闍婆阿蘇洛婆嚩茶緊那羅
摩護囉誡帝釋梵王護世四王摩醯首羅那
羅延等百千之衆恭敬圍遶往詣於彼爾時
世尊當路而行於前中路有一園苑名爲安
樂彼園苑內有大舊塔極甚損壞四邊荆棘
草木叢林堅硬閉塞猶如丘阜爾時世尊將
近彼塔丘阜四面周帀炎熾種種色相光明
照曜於彼破塔遠近皆覩又於光中出妙音
聲讚言善哉善哉釋迦牟尼佛清淨微妙瑞
相無量不可稱量彼無垢妙光大婆羅門請

於如來今現希奇難思大事爾時釋迦牟尼
如來旋遶破舊丘阜之塔欲伸供養復解自
身衣服嚴具覆蓋於彼舊塔塹阜蓋覆已畢
悲泣兩淚又復思念舍利出現及十方佛悉
皆出現即時舍利從塔涌出皆在十方諸佛
如來手掌中住爾時十方諸佛如來亦皆兩
淚而彼諸佛身放光明照曜故塔作光明網
內外瑩徹清淨無比然後光明及佛舍利還
入塔中彼時衆會悉皆悲泣驚怪希奇歎未
曾有爾時會中有大藥叉主名金剛手身光
炎熾臂膊臚直柔軟光澤猶如象鼻輪金剛
杵速疾往詣世尊之前頭面禮足而白佛言
世尊云何現此希奇瑞相及十方佛悉皆兩
淚光明照曜唯願如來爲我演說決於衆疑
爾時世尊告大藥叉主金剛手言此是一切

如來全身舍利聚此塔中及一切如來百千俱胝胡麻形像正法心印陀羅尼亦在塔中應知金剛手此胡麻量諸佛形像正法心印陀羅尼止住塔中由此百千俱胝如來全身舍利亦住此中若此正法心印陀羅尼在此塔中彼八萬四千法門亦在此中及九十九百千俱胝如來頂髻受記亦在此中當知金剛手若一切如來舍利之塔及此正法心印陀羅尼所有功德無量無邊不可思議不可稱歎應知金剛手由此正法篋印心陀羅尼志四而能增長圓滿一切正法及諸功德爾時世尊說此法時彼諸大眾聞法歡喜滅除垢染得法眼淨其中有得預流一來不還阿羅漢果及緣覺乘其中有證初地二地乃至十地或於其中有得六波羅蜜悉皆圓滿或有得

受菩提之記或有獲得阿鞞跋致時彼無垢妙光大婆羅門即於會中離諸煩惱滅除障染獲五神通爾時金剛手大藥叉主覩如是等希奇變現自在神通踊躍歡喜歎未曾有而白佛言世尊此正法印心陀羅尼有如是等廣大利益若諸有情書寫莊嚴受持讀誦尊重讚歎獲何果報願佛演說爾時世尊告大藥叉金剛手言諦聽諦聽吾為汝說若有苾芻苾芻尼鄔婆索迦鄔波斯迦受持讀誦書寫尊重此正法印心陀羅尼獲得九十九百千俱胝胡麻量等形像如來福德之聚善根果報又得逢事彼諸如來受菩提記所以者何此正法印心陀羅尼是彼九十九百千俱胝那由多胡麻量等形像如來同共宣說若復有人受持讀誦此正法印心陀羅尼經

即得值遇十方世界九十九百千俱胝那瑜
多胡麻量等形像如來若有苾芻苾芻尼鄔
波索迦鄔波斯迦族姓男族姓女於此正法
印心陀羅尼經若能日日恭敬供養華香殊
香華鬘塗香細妙衣服及莊嚴具等所獲功
德如彼供養十方世界九十九百千俱胝胡
麻等形像如來功德無異又得一一如來廣
大莊嚴具等及獲無量七寶之聚如蘇彌盧
爾時衆會天龍藥叉捷闍婆阿素囉嚩嚩茶
緊那羅摩護囉誡人非人等一切大衆悉皆
驚疑歎未曾有如是朽爛破壞之塔常被荆
棘閉塞草木叢林堅密充滿猶如丘阜今日
如來起大悲悲自在神通現如是等希奇瑞
相七寶妙塔不可思議時諸大衆稱歎無盡
即時會中有金剛手大藥叉主而白佛言世

尊云何破壞丘阜之塔變現如是衆妙莊嚴
爾時佛告金剛手言離此破壞丘阜之塔無
別七寶衆妙之塔所以者何隨識變現或見
荆棘丘阜之塔或見七寶衆妙莊嚴又諸佛
所現十方如來全身舍利所藏之塔百珍七
寶衆妙莊嚴衆生惡業乃見荆棘破壞之塔
當知金剛手大藥叉主若於末世最後分時
謂諸有情罪業深重不植善根廣作不善三
惡道業以此因緣生無佛世亦常不聞諸佛
名字及恒遠離僧法之名如是之事真實不
虛所以諸佛及我兩淚悲歎復次金剛手若
正法將滅安住此塔一切如來全身舍利亦
乃藏於此塔之中謂以一切如來所說之法
而加護之即時金剛手大藥叉主而白佛言
世尊一切有情云何植善云何正法安置此

塔爾時世尊告金剛手言若復有人信解受持讀誦書寫爲人演說種種莊嚴安置塔中即是安置一切如來全身舍利藏此塔中復得一切如來總持秘密而加護之復得十方世界九十九胡麻量等形像諸佛之塔而加護之復得一切如來頂髻眼塔而加護之若復有人用於七寶如法加持雕作諸佛及菩薩像種種莊嚴安置塔中復用繖蓋相輪寶網鈴鐸衆妙嚴飾鐘磬鐃鈸及諸器物華香瓔珞衣服飲食諸供具等又以一切如來正法加持真實護淨精進恒時離於懈怠又復此塔時遷變壞重修嚴飾種種供養精心信敬不生疑謗彼當獲得無上菩提若復有人旋遶此塔一二匝等或一禮拜即得解脫無間之罪必當證得阿毗跋致乃至究竟佛果

菩提若有此塔所住之處一切十方諸佛形像亦在此中復次若有此塔之處由彼一切如來加護力故彼地四方而無毒龍雷雹風雨非時損害及諸怖畏彼處復無諸毒蟲蟻所謂毒蛇狼鼠蝗蟲蝮蠍黃蜂黑蜂乃至蜈蚣百足悉皆遠離復次彼地而無暴惡虎狼師子飛禽走獸不能傷害又復彼地一切災難而無燒亂又無夜叉羅刹部多吠拏又毗舍遮顛狂鬼魅不能傷害又無瘡病瘡腫疹疥痔瘻白癩疥癬一切疾病不能侵害若復有人見此寶塔歡喜讚禮諸損壞等不能侵害又復彼地牛馬羊犬種種傍生諸男女而無中天及無刀兵器仗水火焚漂怖畏等事彼地亦無飢饉疾疫種種怖畏彼處常得四大天王圍繞擁護及二十八部大藥又主密

隱形儀恒來擁護及三十三天二十八宿羅
睺諸星乃至日月晝夜順行若諸龍王恒常
觀察應時降雨或有欲色乃至無色一切諸
天於三際時來降此塔禮拜供養一切如來
恭敬尊重憶念思惟若復有人恒常修嚴佛
塔形像或用木石泥土彩畫金銀鍮石等及
此正法印心陀羅尼經書寫莊嚴又以一切
如來如法護持然後安置寶塔之中又此寶
塔四邊階道悉皆嚴飾相輪幢幡周而懸鈴
七寶羅網高廣大小隨意自在種種莊嚴又
以十方如來正法而加持之復作一切聖賢
擁護之法而加護持然後種種廣陳香華飲
食乃至瓔珞精虔供養如是乃獲無量功德
即時會中有金剛手大藥叉主復白佛言世
尊有何因緣此正法印心陀羅尼書寫受持

供養恭敬獲如是等無量功德爾時世尊告
金剛手言此是法界一切如來全身舍利秘
密篋印心陀羅尼所以獲是無量功德時金
剛手大藥叉主聞佛所說無量功德歡喜信
受復白佛言世尊願佛慈悲演說此法我等
樂聞爾時世尊告金剛手言汝等諦聽今為
汝說此正法印心陀羅尼是過去未來現在
諸佛同共宣說若有信受恭敬供養乃至證
入聲聞緣覺及於十地法報化身所以名為
全身正法秘密篋印爾時世尊即說呪曰
曩莫悉底哩合三野一地尾合二迦去喃二引薩
嚩怛他引去嚩路上南三唵四部悉底哩合二步
平縛曩縛隸五縛縛隸六祖魯祖魯七他囉
他囉八薩嚩怛他引去嚩路上馱引上覩他哩九
鉢納麼合三去婆呌十惹野他哩上佐喬

一十 娑麼 合二 囉達 轉 麼作訖囉 十二 合鉢囉 合二 轆

無鉢切 哆曩縛 日哩 十二 合冒 引去 地曼 上 監 上

迦囉 上 楞 上 訖哩 合二 帝 十 薩縛 恒他 引去 夔 哆

引上 地瑟恥 合三 帝 十 冒 引去 他野 冒 引去 他野 十 冒

引去 地冒 上 地 七 沒 較 切 身 參 去 冒 引去 他野 參

去 冒 引去 他野 九 左 擺 左 擺 左 懶 去 覩 十二 薩縛

薩恒縛 引二 合 喃 一 二十 薩縛 引 縛 囉 拏 你 二十

薩縛 播 跋 尾 夔 帝 二十 護 嚕 護 嚕 二十 薩縛

戌 引上 迦 尾 夔 帝 二十 薩縛 恒他 引去 夔 哆 訖 哩

二 那 野 縛 日 哩 合二 拏 六 二十 參 去 婆 去 囉 參 去

婆 去 囉 七 二十 薩縛 多 塢 瑟 膩 合二 灑 八 二十 陀 去

羅 拏 毋 捺 哩 十二 合二 沒 第 蘇 沒 第 三 薩 縛 轉 縛

恒他 引去 夔 哆 引上 地 瑟 恥 合二 哆 一 三十 馱 引上 覩 夔

轉 陸 娑 縛 引二 合 賀 十二 參 去 麼 野 引 地 瑟 恥

合二 帝 娑 縛 引二 合 賀 十三 薩 縛 恒他 引去 夔 哆 引上

三十 訖 哩 合二 那 馱 引上 覩 毋 捺 哩 合二 娑 縛 引二 合

賀 十三 阿 鉢 囉 合二 底 瑟 恥 合二 多 率 覩 合二 閉 十

六 恒他 引去 夔 哆 引上 地 瑟 恥 合二 帝 七 三十 虎 嚕 虎

嚕 吐 引 呬 引 娑 縛 引二 合 賀 十八 庵 引三 薩 縛

恒他 引去 夔 哆 十 塢 瑟 膩 合二 灑 陀 去 囉 拏 毋 捺

哩 十二 合 四 薩 縛 恒他 引去 夔 哆 四十 馱 引上 覩 尾

部 尸 路 十三 引 四 地 瑟 恥 合二 帝 呬 呬 娑 縛 合二

引 賀 十四 引 四

爾時世尊說此呪已告金剛手言今此全身

秘密篋印心陀羅尼是諸如來普皆宣說徧

十方界於一一方有九十九胡麻量等形像

如來百千俱胝那瑜多諸佛如來聞說此法

皆來至此同共讚言善哉善哉釋迦牟尼善

能演說正法篋印心陀羅尼廣令流布行闍

浮提復令一切諸有情等以全身舍利安置

此塔由此十方一切如來以諸三昧而加護之若復有人受持讀誦解說書寫此全身舍利秘密篋印心陀羅尼經及以金銀栴檀彫彩莊嚴安置塔中彼十方世界一切如來恒來在此而加護之爾時世尊說此正法篋印心陀羅尼時此舊破壞丘阜之中出現七寶微妙之塔相輪幢幡種種莊嚴人天大眾無不皆見久現如故彼時衆會諸大菩薩及聲聞衆天龍八部人非人等覩此希奇皆悉歡喜爾時世尊說此法時諸大眾等金剛手大藥叉主無垢妙光大婆羅門并諸菩薩大聲聞天龍藥叉捷闍婆阿素羅鵝嚩茶緊那羅麼護囉誡人非人等國王大臣長者居士一切大眾聞佛所說一心信受歡喜而退一切如來正法秘密篋印心陀羅尼經

音釋

疝	輶	梵	追	燒	鋪	切	都	篋
癰	胡	語	聚	瓦	懷	切	部	切
疽	玩	迷	土	器	切	未	劈	劫
也	切	也	也	也	切	勞	裂	獾
痔	跋	云	膊	甕	傑	勞	普	狐
後	直	不	臂	烏	切	勞	擊	獾
病	里	退	膊	蟹	切	裂	切	許
也	切	轉	也	也	切	破	良	云
癰	繖	蘇	臍	石	更	也	鵠	切
漏	郎	切	均	堅	魚	窰	也	獾
病	豆	同	直	牢	切	瓦	余	狐
也	切	同	也	也	切	器	昭	正
	疼	他	阿	阜	切	龜	切	仡
	力	干	鞞	土	房	久	切	許
	也	切	跋	山	也	切	燒	乞
			致	也	切	坏		蹬